

Segunda carta de San Pablo a los CORINTIOS

Corinto vāme cuti macana, Cristore ajitirūnurāre, Pablo ī
ucacōare queti

1 1-2 ¿Nati m̄a Corinto vāme cuti macana, Dios suorī ī macu ocare ajitirūncōari, rējarūgūrā? Adi queti m̄are ucaja ȳa. Jesucristo suorī Dios yarā ñaja m̄a. M̄a rī mere ucaja ȳa. M̄a ye sitana, Acayana jediro Dios yarā adi quetire ĩna ĩarotire bojaja ȳa. M̄are quēnarotirā, mani jacu Diore, to yicōari, Jesucristo mani Ɂj̄ure ado bajise m̄are sēnibosaja ȳa: “Quēnaro m̄a rāca ĩna ñarotire yirā, ĩnare ejarēmoña”, m̄are yisēnibosaja ȳa. Ȳu ñaja Pablo, adi paperare m̄are cōagū. “Ȳu ocare gājerāre gotimasiodir̄ucaja m̄” yiḡu, Dios ī bojarore bajiro ȳure cōacami Jesucristo. Mani maiḡū, Timoteo rāca ñaja ȳu.

3 Diore ĩre r̄uc̄ub̄oto, mani Ɂj̄u Jesucristo jac̄ure.

ĩne ñaami manire ĩamaiḡū. Mani t̄uōias̄utiritisere, “S̄utiritibeticōato” yiḡu ñaami. **4** Ñajediro rojose mani tām̄ojama, manire ejarēm̄orūgūami. To bajiro manire ī yisere masicōari, mani quēne, gājerā rojose ĩna tām̄ojama, ĩnare ejarēm̄omasir̄uarāja mani. **5** “Diorāca quēnaro ñato” yiḡu, rojose manire tām̄obosayumi Cristo. To bajiri, gājerā Diorāca quēnaro ĩna ñarotire yirā, rojose tām̄obosarūgūaja ȳa quēne. B̄utob̄usa rojose ȳa tām̄oñaro rīne, “S̄utiriti t̄ujacōari, variquēnato” yiḡu, b̄utob̄usa quēnaro manire ejarēm̄orūgūgūami Cristo. To bajiro ti bajijare, “Quēnaro yaja m̄”, Diore ĩre yivariquēnarūgūaja ȳa. **6** To bajiri, m̄are quēnaro ȳa ejarēm̄osere, to yicōari, ī rāca quēnaro m̄a ñarotij̄ure quēne t̄uōirā ñari, rojose tām̄orūgūaja ȳa. To bajiro ȳa bajiboajaquēne, ȳare quēnaro ejarēm̄orūgūami. To bajiri, ȳa suorine m̄are quēne ī ejarēm̄ojare, m̄a quēne, rojose tām̄oboarine, Cristo-

re ajitirũnu tujabetiruarãja. **7** “Rojose mani tãmuorore bajiro rojose tãmuorã ãna ñajare, manire ï ejarẽmorore bajiro ãnare quẽne ejarẽmogũ yigũmi Dios” yimasirã ñari, “Cristore ajitirũnu tujabetiruarãma”, muare yituoĩaja yua.

8 Yũ mairã, adojũ, Asia sitajũ buto rojose yua tãmuocatire mũa masisere bojaja yũ. Buto rojose tãmuocana ñari, “Yũare sãabeticõato” yirã, no bajiro yimasibeticajũ yua. **9** “Manire sãaruarãma”, yituoĩacajũ yua. “Dios ñaami manire rujeorí, rijariarãre quẽne catiogũ. To bajiri adigodojũre ï sãgũne ñaami manire maigũ” yua yituoĩarotire yiro bajicajũ. **10** Yũare ãna sãaborotire yirẽtobosayumi Dios. To bajiri, “Ï yicatore bajiro manire yirẽtobosarũcumi quẽna”, ãre yituoĩa variquẽnacõa ñaja yua. **11** Diore mũa sãnise sũorine yũare ejarẽmũarãja mũa quẽne. Gãjerã quẽne, yũare sãnibosaruarãma. To bajiri ãna rãca jãjarã ñaruarãja mũa, yũare quẽnaro Dios ï yisere ajicõari, “Quẽnaro yaja mũ”, Diore ãre yirona.

“Ado bajiro tuoĩagũ ñari, mũa tujũ vabeaja yũ maji”, Pablo ï yire queti

12 Ado bajise tuoĩacõari, variquẽnaja yua: “Dios ï bojarore bajiro masare quẽnaro yicajũ mani”, yituoĩaja yua. Masare yitorã me ñaja yua. “Corinto macana rãca ñarã, quẽnaro Dios ocare gotimasilocajũ”, yituoĩaja yua. Yũare quẽnaro yiyumi Dios, “Gãjerãre quẽnaro yato” yigũ. Yua masune yua tuoĩasene gotibeticajũ. Dios ï masise rãca to bajiro yicajũ yua. **13** Muare ucacõarã quẽnaro riojo mũa ajimasirotire ucacajũ yua. To bajiri ñajediro yua ucacatire quẽnaro ajimasifũja mũa. Bero quẽne, jediro yua ucarotire ajimasiruarãja mũa. **14** To bajiboarine, yua ucasere quẽnaro ajimasijeobeaja mũa maji. Quẽnaro yũare mũa ajimasijeosere bojaja yua. Yũare mũa ajimasijeojama, mani uju Jesucristo ï tudiejarirũmũ ti ejaro, “Quẽnaro yũare gotimasioũuma Pablo mesa”, yivariquẽnaruarãja mũa. Yua quẽne, “Quẽnaro ajitirũnrã ñaama”, yituoĩa variquẽnaruarãja.

15 Tire tuoĩagũ ñari, quẽna muare ãagũ varũa tuoĩacajũ yũ. “To bajiro yũ bajijama, ãnare yũ ejarẽmojare, butobũsa variquẽnaruarãma”, muare yituoĩaboacajũ yũ. **16** “Macedonia sitajũ vacũ, ãnare ãarẽtoarũcũja yũ. Quẽna tudiaũ, ãnare ãarẽtoadirũcũja”, yituoĩaboacajũ. Mũa tujũ ejacõari, “Judea vãme

cuti sita yu ejaminasirotire yirã, yure ejarẽmoruarãma”, mware yituoĩaboacaju. To bajiro yituoĩaboarine, beroju ricati tuoĩacaju yu. **17** Mwa taju yu ejabetijare, “Quẽnaro tuoĩabecune, to bajise yituoĩaboayumi”, yure yirãja mwa. “To bajiro yirucuja yu” yiboarine, ricatijua yigu me ñaja yu. **18** Mani jacu Dios, riojo gotigu ñaami. To bajiri yu, yu babarã quẽne riojo gotirã ñaja yua. To bajiro yiruarãja yua yijama, yua yirore bajirone yaja yua. “To bajiro bajirã ñaama”, yware yĩagũmi Dios. **19** Jesucristore ajitirũnugũ ñari, to bajiro yaja yu. Yu Pablo, Silvano^a, Timoteo quẽne, Jesucristo yere mware goticaju yua. Ñ ye queti socase me ñaja. “To bajiro yirucuja” yiboarine, ricatijua yire me ñaja. To bajiri, “Yiruarãja” yua yirore bajirone gotirũgũaja. **20** “Quẽnaro masare yirucuja” Dios ñ yigoticũre jedirore yijeogu ñaami Cristo. To bajiro yigu ñ ñajare, quẽnaro Diore yirũcũbuo variquẽnaja mani. **21** Ñne ñaami Dios, mware, to yicõari yware quẽne, Jesucristo yarã mani ñarotire yigu, manire beserí. To yicõari, yware ñ ye ocare ùmato gotimasioronare yware cũcami. **22** “Yu yarã ñaruarãma yuja” yigu, mani usurijure cõañumi, Espiritu Santore. Mani usurijure ejacõari, ñ ñajare, “Jesucristo yarã ñaja mani. To bajiri Dios ñ gotiriarore bajirone jediro ñ ñaroju quẽnamasusere bujaruarãja”, yimasajaja mani.

23 Ado bajiro tuoĩagũ ñari, mwa taju vabeticaju yu maji: Mwa taju ejacõari, mware yu gotiserene, “Tudire bajiro ajisutiritiroma” yigu, vabeticaju yu. To bajiri vabeticõari, “Queti yu ucase rãca ñnare gotirucuja maji”, yituoĩacaju yu. Socu me yaja yu. Riojo masiami Dios quẽne. **24** Mware rotiruarã me to bajiro mware gotimasioaja. Jere Diore quẽnaro tuoĩamasirã ñaja mwa. Quẽnaro mani ñajediro variquẽnase rãca butobusa Diore mani masirotire yirã, mware ejarẽmorũgũaja yua.

2 **1** Tirũmju mwa taju ejacõari, mware yu gotiro, buto sutiriticaju mwa. To bajiri sutiriticaju yu quẽne. To bajiro ti bajijare, quẽna yu ñaro rĩjoro mwa sutiritirotire bojabecu ñari, “Ñna taju ñagũ vabecuja yu maji”, yituoĩacõacaju yu. **2** Mwa sutiritijama, ñimũ rãca variquẽnabetiboguja yu. To bajiri

^a1.19 Silas ti yijama, griego oca rãca yiyuju. Silvano ti yijama, latín oca rãca yiyuju. Hch 15.22; 18.5; 1 Pe 5.12 macaña.

m̄are yu gotise s̄orine m̄a s̄utiritisere bojabecu ñari, vabeticaju yu. **3** M̄a t̄ju ejac̄ari, s̄utirititegu, m̄are paperare ucac̄ocaju, m̄a r̄aca yu variquēnarotijuare bojagu ñari. **4** Ti quetire m̄are ucagu, s̄utiritic̄ari, b̄to oticaju yu. Tire m̄a ñas̄utiritirotire bojabeticaju. Tire ñac̄ari, “B̄to manire maiami Pablo” m̄a yimasirotire bojacaju.

“Rojose yirere masirioya”, Pablo ñ yire queti

5 M̄a r̄acagu rojose ñ yirere ajic̄ari s̄utiriticaju yu. Yu s̄igũ me s̄utiriticaju. Rojose ñ yirere masic̄ari, s̄utiritiriar̄a m̄a quēne. B̄tobusa ñ s̄utiritirotire m̄a yisere bojabeaja yu. **6** J̄ere j̄ar̄a r̄ejac̄ari, rojose ñ yire vaja rojose ñre yiyuja m̄a. “To c̄orone rojose t̄am̄oato” ñre m̄a yisere bojaja yu. **7** Rojose ñ yirere masiric̄ari, ñre baba cutiya quēna. To bajiro m̄a yibetijama, s̄utiritic̄ari, Cristore ajitir̄nu t̄jacoaruc̄umi. **8** To bajiri quēnaro ñre yiya m̄a yuja, “‘Ȳre maïama’ yimasïato ñ” yir̄a. **9** Tir̄m̄ju papera m̄are ucac̄ocaju yu, “¿Yu yirotisere yic̄oti?” yimasir̄u. **10** Ḡaji rojose ñ yirere m̄a masiriojama, yu quēne ñ yirere masirioaja. To bajiri rojose ñ yire ti ñajama, ñre masirioruc̄aja. B̄to m̄are maigũ ñari, Cristo ñ ñaro r̄joroj̄na to bajiro yiruc̄aja. **11** Mani ḡamer̄a masirioc̄a ñajama, v̄atij̄na ñ bojarore bajiro manire rotimasibec̄umi. Bajir̄aj̄ma, masare rojose ñ yitoajer̄ḡusere j̄ere masïaja mani.

Troas v̄ame cuti macaju ejac̄ari, Pablo ñ t̄oïarejaire queti

12 Troas v̄ame cuti maca ejac̄ari, Cristo oca quēnasere toanare gotimasio ñacaju yu. To yu bajirone, j̄ar̄a masa ȳre ajir̄a ejacama. **13** To bajiro ñna ajiruaboajaquēne, ȳj̄na, mani maiḡure m̄a t̄ju yu c̄ocac̄ure Tito v̄ame cutigure bujabetic̄ari, b̄to t̄oïarejaicaju yu. To bajiri, toanare vare gotic̄ari, ñre macagũ vadicaju yu, adoju, Macedonia sitaju.

14 “Cristo manire ñ rijabosare s̄orine v̄atia uju, rojose yirotiḡu, manire ñ rotiriarore bajiro yibetic̄ato” yiḡu yiyumi Dios. To bajiro ñ yijare, v̄atia ujuare ajibetic̄ari, Dios ñ bojasej̄are yir̄ḡuja mani. “Jediroju quēnase s̄utise ti s̄utibatorore bajiro ñajediroanare ti quetire gotibatoato” yiḡu, ȳare goticudi rotir̄ḡumi. To bajiro yiḡu ñ ñajare, “Quēnaro yaja m̄”, Diore yivariquēnato mani. **15** Ti quetire masare ȳna gotibatose ñavariquēnaḡumi Dios. Ȳna gotibatose s̄orine masa jedi-

ro, Dios tuj̄ varona, rojose tãmuotujabetiriaroju varona quẽne, tire ajijedirãma. **16** Cristore ajitirũnũmena rojose masu ãna bajirotire yua gotimasiosere ajiteama, rojose tãmuotujabetiriaroju varona ñari. Gãjerãjuama, Dios tuj̄ varona, quẽnase masu ãna bajiroti yua gotijare, tire ajivariquẽnaama. Yua masune yua tuoĩasene gotibeaja. Dios ã masise rãca tire gotimasiõrũgũaja. **17** Bajirãjuama, gãjerã, jãjarã ñarãma, Dios ocare gotimasiõrã. Ìnama, “Tire goticõari, gãjoa bũjarãsa” yirã ñaama. Yua juama, ãnare bajiro yirã me ñaja. Jesucristo yarã, Dios ã cõariarã ñari, ã ãaro rĩjoroju rũcũbũose rãca ã ocare gotimasiõrũgũaja.

“Quẽnaro mũare yirũcũja’ Dios ã yiriarodo ti ejajare, ado bajiro bajaiaja”, Pablo ã yire queti

3 Ìna masurione, “Quẽnaro gotimasiõrã ñaja”, yama Pablo mesa. Papera jũro, “Quẽnaro gotimasioama’ yirijũro gãjerã ãnare ãna ucabosariajũrore ãoroti ñaja” yirere yiboarãja mũa. Bajibeaja. Gãjerã gotimasiõrimasajuama, to bajiro yiriajũrore ãna ãorore bajiro ãoroti me ñaja yũarema. **2** Mũa ñaja “Dios ocare quẽnaro gotimasioama” yua yĩõrijũrore bajiro bajirã. Mũare ãcõari, “Pablo mesa, ãnare ãamaicõari, Dios ocare quẽnaro gotimasioũnuma”, yũare yimasirãma masa jediro. Rojose mũa yirere yitujacõari, quẽnaro mũa yisejuare ãarã ñari, to bajise yirãma. **3** “Cristo ã ejarẽmojare, to bajiro bajaia- ma”, mũare yimasire ñaja. Tirũmũju gãtajãiriju ucatucũmasi- riarore bajiro mũare yibesumi Dios. Ado bajiroju yiyumi: Mũa usũju Espĩritu Santore cõañumi. To yicõari, quẽnasejuare tuoĩarotire yiyumi, “Cristo yarã ñaama” gãjerã mũare ãna yiro- tire yigũ.

4 “Cristo sũorine manire ejarẽmoami Dios” yirã ñari, “Tĩ quetire quẽnaro gotimasioaja”, yaja yua. **5** “Yua masurio yua masise rãca masare gotimasioaja”, yibeaja yua. Ñajediro quẽnase yua yise, Dios ã masise rãca yaja. **6** To bajiri Dios oca tirũmũayere ã vasoarere gotirẽtobumasiaja yua. “Yũ roticũsere cãdijeobecũne, ã bajirocajama, rojose tãmuotujabetiriaroju varũcũmi”, yigotiyuja tirũmũaye. Mameayejuama, tirũmũayere bajiro me bajaiaja. Ado bajiroju bajaiaja: “Espĩritu Santore sũorã rĩne yũre cãdirũarãma. To bajiri, Diorãca ñacõa ñarũgũarãma”, yigotiaja Dios oca.

7 Tirũmũju ĩ rotirere gũtajĩirijũ ucacõari, Moisés ñamasirĩre ĩsimasiũuju Dios. Tire ĩna cudijeobeti swori rojose tãmũotũjabe-tiriaroju varoti ñamasĩũuju. Tire ĩ ĩsirone, buto yaase rãca ejayu-ju, “Dios ye ñaja” yiro. Ado bajiro bajimasiũuju ti: Dios ĩ ucarijãirire ĩ boca juarone, buto ĩ rioga yaamasiũuju, Moisére. Buto yaarica rioga cutigũ ĩ ñajare, ĩre ĩamasibetimasĩũujarã israelita masa. To bajiboarine yoaro mene quẽna yaabéticoamasiũuju. **8** Adirodorirema, mameaye oca, Dios ĩ vasoare ñajare, Espĩritu Santo, mani usũrijũ ejacõari, ĩ ejarẽmose sworine Diorãca mani ñacõa ñarũgũrotire masiaja mani. To bajiri “Tirũmũaye oca rẽtoro ñamasuse ñaja mameaye oca Dios ĩ vasoare”, yitũoĩaja mani. **9** Tirũmũaye oca Moisére cũgũ, “Ñamasuse ñaja”, yĩomasĩũuju Dios. To bajiro ĩ yire ti ñaboajaquẽne, gãjerã tire cudijeomena ñari, “Rojose tãmũoruarãja”, yitũoĩamasiũujarã masa. Yucũrema mameaye oca Dios ĩ vasoare sworine, “Dios ĩ ĩajama, rojose mana ñaja”, yimasiaja mani. To bajiri, “Tirũmũaye rẽtoro ñamasuse ñaja”, yimasiaja mani. **10** Mameaye oca, Dios ĩ vasoare, tirũmũaye rẽtoro ñamasuse ti ñajare, “Ñamasuse me ñariaroja tirũmũayema”, yitũoĩavasoare ñaja, adirodorirema. **11** Dios ĩ vasoare, juaji ĩ vasoabetiroti ti ñajare, “Tirũmũaye ocama yoaro ñabesuja”, yimasiaja mani. To bajiri yucũrema, “Tirũmũaye oca rẽtoro ñamasuse ñaja”, yitũoĩaja mani.

12 “Ñamasuse ñaja Dios ĩ vasoare” yitũoĩarã ñari, bojone-menane tire gotimasiodirũgũaja yũa. **13** Moisés ñamasirĩre bajiro bajirã me ñaja yũa. Moiséma, Dios ĩre ĩ ñagõro bero, ĩ rioga yaase yayirũtuasere, “Israelita masa ĩaroma” yigũ, ĩ rũjoa jeoriaro jeoomasiũuju. Yũama, ĩ yimasiriarore bajiro yayiorĩ, masare gotimasibetirũgũaja. **14** Tirũmũajũre quẽne Dios ocare ajitirũnũabebetimasĩũujarã israelita masa. To bajiri ĩ ocare ajiboarine, “To bajiro yirũaro yaja”, yimasibetimasĩũujarã. Adirũmũri quẽne to bajirone bajicõa ñaama ĩna. Cristore ajitirũnũrã rĩne, Dios ocare ĩacõari, ajimasiamã ĩna. **15** Tire mũare tudigotiaja yũ. Israelita masa, mani mũũ Cristore ajitirũnũbeticõari, Moisés ĩ ucamasire ajimasibeama maji. **16** To bajiboarine, rojose ĩna yisere yitũjacõari, mani mũũre ĩna ajitirũnũsojama, ĩnare ejarẽmogũmi, “Tire ajimasiatõ ĩna” yigũ. **17** Mani mũũre ajitirũnũsworãre ejami Espĩritu Santo. To bajiri, “Rojose mana ñaama” Dios ĩ yĩavariquẽnarã ñari, “Dios ĩ rotimasire mani yijeobeti vaja, rojose manire

yirucumi Dios”, yituoĩabeaja mani. **18** Jesucristore ajitirũnũrã ñari, “Quẽnarẽtogũ ñagũmi”, ãre yituoĩamasiaja mani. To bajiri, ã bojarore bajiro yirũgũaja mani. To yirã rĩne, bũtobusa ãre bajiro bajirũarãja mani, Espĩritu Santo ã ejarẽmorã ñari.

4 **1** Yũare ãamaicõari, ã ocare yũare gotimasiorotiyumi Dios, masare. To bajiro yũare ã yĩjare, tire tũoĩavariquẽnacõari, ti ocare gotimasiodudirũgũaja yũa. **2** Masa bojoneosere yirã, yayioroju ãna yirore bajiro yibeaja yũama. “Manire ajitirũnũato ãna” yirã, masare yitobeaja yũa. Gãjerã, “Quẽnase bũjarãsa” yirã, ãna masu ãna tũoĩarujeorore bajiro gotimavisiobeaja yũa, “Manire ãagũmi Dios” yirã ñari. To bajiri, “Quẽnaro gotimasioama Pablo mesa”, yũare yimasijedirãma masa. **3** Quẽnaro gotimasiorã yũa ñaboajaquẽne, jãjarã ñaama tire ajimasimena. Mani ujuẽre ajiterã ñari, to bajiro bajiama. Rojose tãmũotũjabetiriaroju varona ñaama ãna. **4** “Ajimasibeticõa ñato” Satanás ã yise ñajare, yũa gotimasiosere ajimasibeama. ã ñaami vãtia uju, Dios ã bojabetire masare ãnare yirotigũ. Cristo, Diore bajiro bajigu ã ñajare, ã oca quẽnamasusere ajitirũnũcõari, quẽnaro ãre masa ãna rũcũbũosere bojabeami Satanás. **5** “Yũajuare rũcũbũoya” yirã me, ti ocare gotimasiorũgũaja yũa. “Mani uju Jesucristojuare rũcũbũoato” yirãjuã yaja. Jesũre maicõari, mũare moabosarãre bajirone bajirũgũaja, tire mũare gotirã. **6** Dios, rẽmojuẽne adi macarũcũro rẽtiaboarere busurotimasiũuju. Tire ã yimasiriarore bajirone ã yere mani ajimasibetiboarere mani ajimasirotire yiyumi. To bajiri, “Quẽnarẽtogũ ñaami Dios”, yimasiaja mani yucũrema yuja, Jesucristo quẽne quẽnamasugũ ã ñasere masirã ñari.

Cristore ajitirũnũcõari, quẽnaro ñare queti

7 Cristo ã gotiroticõariarã, ñamasurã me ñaja yũa. ã ocajuã ñaja ñamasusema. Yũa masune yũa tũoĩasene masare gotimasioabeaja. Bũto tũoĩamasirã me ñaja yũa. To bajiro yũa bajisere bojagũmi Dios, “ãna masise ãna ye me ñaja. Dios yene ñaja” masa yũare ãna yimasirotire yigu. **8** Gãjerã bũto rojose yũare yirũgũama. To bajiro ãna yiboajaquẽne, Dios ã bojarore bajiro gotimasiodõa ñarũgũaja yũa. Rojose tãmũoobarine, “¿No bajiro bajirãti?”, yitũoĩarejaibetirũgũaja. **9** Jãjarã yũare ãaterã ãna ñaboajaquẽne, Dioma yũa rãca ñacõa ñarũgũami. Cojoji me bũto rojose yũare yiboarine, siabetirũgũama. **10** No bojarõ

yua vacudiroju yuare s̄iaruārā ñaama ña. Jesúre ña s̄iariare bajiro yuare quēne s̄iaruama. “Yuare s̄iaroma” yigū, yuare quēnaro coderūgūami Jesús. Tire ñacōari, “Catigū ñaami Jesús”, yituōiarūgūama masa. **11** Jesúre ajitirūnūrā yua ñajare, yuare s̄iaruārūgūama masa. Yuare ña s̄iaruaboajaquēne, yua caticōa ñasere ñacōari, “Tudicaticōari, ñare ñatirūnūrūgūami Jesús”, yīamasire ñaja. **12** To bajiro rojose tām̄uobarine, yua gotimasiocati ñajare, Jesúre ajitirūnūrā ñacoacaju m̄ua. To bajiri, m̄ua rijato beroju m̄ua catirotire Dios ñ catisere ñ ñisicana ñaja m̄ua.

13 Masa yuare ña s̄iaruaboajaquēne, no yibeaja yuare. Sīgū Dios ocare ucamasirí Diore ñ ajitirūnūriare bajiro ajitirūncōa ñaja yua quēne. Ado bajiro gotiaja ñ ucamasire: “Diore ajitirūnūgū ñari, ñ ocare masare gotimasioaja yu”, yigotiaja Dios oca ñ ucamasire. To bajiro tuōiaja yua quēne. Diore ajitirūnūrā ñari, yua catiñaro cōro ñ ocare gotimasiocōa ñaruārāja yua. **14** Ado bajiro tuōiarā ñari, masa yuare ña s̄iaruasere güibeaja yua: “Mani çju, Jesús ñ rijacoaboajaquēne, ñre catioyumi Dios. To bajiri, Jesús yarā mani ñajare, manire quēne, catioruc̄umi Dios”, yituōiaja yua. “M̄uare quēne catiocōari, ñ ñaroju ñ v̄ecaju manire jua varuc̄umi Dios”, yituōiaja yua. **15** Ado bajiro tuōiarā ñari, “Yuare rāca varuārāja m̄ua”, yib̄u yua: “Mani gotimasiosere ajirona quēnase bujato ña’ yirā, rojose tām̄uorūgūaja mani”, yituōiaja yua. To bajiri mani çju ocare gotimasiorā ñari, rojose tām̄uorā ñaboarine, tire gotimasiocōa ñaja, “Jājarāb̄usa Jesucristore ajitirūnūrūtuajaro” yirā. “Manire ñamaicōari, quēnaro yami Dios”, yivariquēnarūarāma ñre ajitirūnūrā. To bajiri, jājarāb̄usa ñarūtuarūarāma ñre quēnaro r̄uc̄ub̄uorā.

16 To bajiri, Dios, quēnaro yuare ñ yijare, tire tuōiavariquēnacōari, ñ bojarore bajiro yirūgūaja yua. Yuare rujujuama butobusa ti bucuajedi vaboajaquēne, yu tuōiasejuama tocārācarūm̄une butobusa quēnase yirua tuōiarūtuana yaja yua, Dios ñ ejarēmose rāca. **17** Adigodo ñarā, rojose yua tām̄uorūgūse yoaro mene jedicoaroti ñaja. Beroju Dios ñ ñaroju, jedibetirore, quēnamasusere bujaruārāja yua. **18** “Mani rujuaye, mani ñase jediro, yoaro me jedicoaruroja. Mani ñabuab̄etijuama, ñacōa ñarūgūroti ñaja”, yituōiaja yua. To bajiri yua ñase, tire buto tuōiabetirūgūaja yua. Diore, to yicōari, ñ ye yua ñabuab̄etijuarema buto tuōiarūgūaja.

5 1 To bajiri mani rujuma, vire bajiro bajirirujū ñaja. Vi ti boarore bajirone, mani rujū quēne boaruroja. Ti boacoaboajaquēne, mani rijato berojū gajerujū manire vasoarucumi Dios, ò vecajū. Ti rujuma, boabetirujū ñaruroja. To bajiro ī yirotere jēre masiaja mani. **2** To bajiro mani bajiroti ti ñajare, cojojirema adigodojū ñarā, bũto rojose tāmũoboana, ò vecajū mani ñarotirujū rācajūa ñarua tũoĩarũgũaja mani. **3** Adirũmũri mani ƣjū ī tudiejajama, bũto quēnaruroja. Gājerā rijariarā gaje rujū Dios ī vasoabetiriarā tũjũre vabetiruarāja mani. Riojone gaje rujū vasoaruarāja, to bajiro ī bajijama. **4** To bajiri, cojojirema adigodo ñarā, rojose tāmũoboana, rujū cũi quejerũgũaja mani. Tire mani yijama, “Bajiyayirũaja” yirā me yaja. Bajiyayibetiboarine, rijabetirujū bojarā yaja. **5** Mani tũoĩarũjeore me ñaja ti, mani rujū vasoaroti. Dios ñaami, “Gaje rujū vasoaruarāma” yirĩma. To yicõari, Espĩritu Santore manire cõañumi, “‘Dios ī gotiriarore bajirone mani rujũre vasoarucumi’ yimasiato” yigũ.

6 “Maji adigodojū ñarā, mani ƣjū Cristo ī ñarojū ejamasi-beaja”, yimasiaja. To bajiri mani bajirotere tũoĩa yurā, tire tũoĩavariquēnaja mani. **7** Adigodo ñarā, Cristore ĩabetiboarine, “Ī gotiriarore bajirone quēnaro yirucumi”, ĩre yitũoĩarũgũaja mani. **8** Adojū to cõrone ñarũaja mani, mani ƣjū ī ñarogũre mani varotire yirā. **9** To bajiri adigodojū ñarā quēne, ò vecajū mani ñarā vajaquēne, Dios ĩ ĩavariquēnase rĩne yirũarũgũaja. Disejũa gajeye ñamasuse maja manire. **10** Cojorũmũmani jediro Cristo ĩ ĩaro rĩjorojũa ejarona ñaja mani. To bajiri, “Ānoa ñaama quēnase yicana. Ānoa ñaama rojose yicana”, yĩĩabeserucumi. Yĩĩamasicõari, manire vaja yirucumi.

**“Cristo ĩ rijabosare suorine Dios ĩ ĩavariquēnarā ñaja mani”,
Pablo ĩ yire queti**

11 To bajiro ĩ beserirũmũ ti ejaro, “Rojose ĩnare yiromi” yirā ñari, “Īre ajitirũnũato” yirā, ĩnare gotimasiorũgũaja yũa. “To bajirone tũoĩaama Pablo mesa”, yũare yimasigũmi Dios. Mũa quēne, to bajirone mũa yitũoĩasere bojaja yũa. **12** Tire mũare yũa gotijama, yũare mũa ĩavariquēnasere bojarā me yibũ yũa. Ado bajirojũa bajiaja: Yũare ñagõmacarāre, “Ado bajiro tũoĩacõari, cũdimasiato” yirā, tire mũare gotibũ yũa. Yũare ñagõmacarā ñaama, gāji ĩ tũoĩasere masibetiboarine, “Quēnagũ ñaa-

mi”, yituoĩarāma. Quēnaro ĩ bajisere ĩacōari, “Quēnagũ ñaami”, yĩiarā ñaama. **13** Yũare ñagōmacarā sīgũri, “Tũoĩamasi-mena, mecũrimasa ñaama Pablo mesa”, yũare yirāma. No yibeaja ti. Dios ĩ bojarore bajiro masare gotimasioaja yũa. Gājerāma, “Quēnaro yitomasirā ñarāma”, yũare yĩñagōmacarāma. Ti quēne, no yibeaja. “Mũare yitorā yama” mũare ĩna yĩboaja-quēne, tire ajicōari, Dios ye quēnase bujaja mũa. **14** “Manire ĩamaiami Cristo” yituoĩacōari, ĩre cũdirũaja yũa. Manire bũto ĩamaigũ ñari, rojose mani yise vaja manire rijabosayumi. To bajiri, “ĩre ajitirũnũrāre manire ĩ rijabosare ñajare, mani quēne ĩ rāca rijariarāre bajiro bajiyuja”, yituoĩaja mani. **15** “Rojose yitũjacōari, yũ bojasejũare yĩmasiato” yigũ, ĩre ajitirũnũronare manire rijabosayumi Cristo. ĩ rijato bero, tudicaticōari ĩ ejarēmose ñajare, ĩre ajitirũnũmasiaja mani. **16** Tirũmũjũma, Cristore, to yicōari, gājerāre quēne, ĩna tũoĩasere masibetiboarine, “Ānoa ñaama quēnarā; ānoa ñaama rojorā”, yituoĩariarāja mani maji. Cristore ajitirũnũcōari, to bajiro tũoĩabeaja mani yuja. **17** To bajirone bajiaja Cristore ajitirũnũrā jedirore. Cristore ajitirũnũsuorā, Espĩritu Santore cũorā ñari, rojose ĩna yirũgũrere yirũa tũoĩabetirũgũama.

18-19 Dios ñaami, “To bajirone tũoĩato” manire yigũ. Tirũmũjũ ĩ terā mani ñaboajaquēne, Cristo ĩ rijabosare suorine, ĩ yarā, ĩ ĩavariquēnarā mani ñarotire yiyumi. Rojose mani yisere masiriocōari, “Rojose mana ñaama”, manire yĩagũmi. To yicōari, “Gājerā quēne, yũ ĩavariquēnarā ñato ĩna” yigũ, ĩ ocare yũare gotimasIOCUDI roticōañumi. **20** To bajiri, Cristore gotirētobosarimasa ñaja yũa. Mũare yũa gotimasiojama, Dios ĩ masune vadicōari, ĩ gotiroti ũnirene gotimasiorũgũaja. Cristore gotirētobosarā ñari, ado bajiro masare bũto sēniĩarũgũaja yũa: “‘Rojose yũa yisere masirioya mũ; mũ ĩavariquēnarā ñarũaja’ ¿Diore yirũabeati mũa?’, ĩnare yirũgũaja yũa. **21** Ñie rojose yibecũ ĩ ñaboajaquēne, “Rojose yigũ ñaja mũ” ĩre yigũre bajiro ĩ macũre rijaroticōañumi Dios, “Rojose ĩna yisere ĩnare vaja yibosaya” yigũ. “Cristore ajitirũnũronare, ‘Ñie rojose mana ñaama’” manire ĩ yĩarotire yigũ, yiyumi.

6 **1** Dios ĩ ejarēmose rāca ĩ yere gotimasiorā ñari, ado bajiro mũare rotiaja yũa: Dios, mũare ĩamaicōari, quēnaro ĩ yire ñajare, ĩ ejarēmose rāca ĩ bojarore bajiro quēnaro yirũgũña. **2** Dios ocare masa ĩna ucamasire ado bajiro ti gotiaja:

“Mware yu yirēmōrirūm ti ejaro, mwa sēnisere aji-cōari, mware quēnaro ejarēmōrcuja yu, rojose mwa tāmōsere mware yirētobosagu”, yigotiaja Dios ocare masa ĩna ucamasire.

Quēnaro ajiya mwa. Yucne naja rojose mani tāmōsere Cristo suorine Dios manire ĩ yirētobosarirūm. To bajiri yucne ĩre mwa sēnijama, “Yu bojase yimasiato” yigu, mware ejarēmōrcumi.

3 To bajiri, Dios ocare gotimasiorā, gājerājua “Socaserene gotiama’ yware yiroma” yirā, rojose yibetirūgūaja yua. **4** Nājediro yua bajisere ĩacōari, “Dios ĩ bojarore bajiro yirā nāama Pablo mesa”, yimasiama masa. Cojoji me gājerā rojose yware ĩna yiboajaquēne, ĩnare gāmebeaja yua. Buto rojose tāmōboarine, tire tūoĩarejaimenane, Dios ĩ bojarore bajiro yicōa naja yua. Ado bajiro rojose tāmōrūgūaja yua: **5** Yware ĩna bajerūgūse, tubiberiavijū yware ĩna tubiberūgūse, rējacōari, rojose yware yiruarā yware ĩna tudirūgūse, to bajicōari, buto moarā nari cojojirema nānime quēne busuocōarūgūcajū. To bajicōari, cojoji me niorijarūgūcajū. To bajiboarine, Dios ĩ bojarore bajiro yicōa nācajū yua. **6** Gajeyere quēne ado bajiro yua bajisere ĩacōari, “Dios ĩ bojarore bajiro yirā nāama Pablo mesa”, yware yimasiama masa: “Rojose yirobe” yirā, quēnase tūoĩarūgūaja yua. Dios ocare quēnaro masiaja. Gājerā rojose yware ĩna yiboajaquēne, ĩnare jūnisinibeaja yua. Socarā mene gājerāre mairā nari, ĩnare quēnaro yirūgūaja. Espiritu Santo, yua rāca nācōari, yware ejarēmōrūgūami. **7** Dios oca, riojo ti gotirote bajirone gotimasiorūgūaja. Dios ĩ ejarēmose rāca ĩ bojarore bajiro yirūgūaja. To bajiro yirūgūaja, “Vātia ũjū Satanás manire rojose ĩ yirotisere cūdirobe” yirā, to yicōari, “Gājerā, rojose yitujato” yirā. **8** Cojojirema yware rūcubuoama masa. Gajerūmurema rūcubuoamea. Cojojirema quēnaro yware nāgōama. Gajerūmurema rojose yware nāgōama. “Socarimasa nāama Pablo mesa” masa yware ĩna yitūoĩaboajaquēne, riojo gotimasioaja yua. **9** No bojaro yua vato, “Gājerā nāama” masa yware ĩna yĩaboajaquēne, yware quēnaro masiama sīgūri. Cojoji me “Rojose yibū mwa” yigoticōari, yware ĩna sīarūaboajaquēne, caticōa nācajū yua. **10** Cojojirema buto sātiritirā nāboarine, mani ũjū quēnaro ĩ yisere, to yicōari, quēnaro ĩ yirotire tudi-

tuoĩacõari, variquẽnarũgũaja yua. Maioro bajirã yua ñaboajaquẽne, Dios ocare masare yua gotimasiose suorine, Dios ye quẽnamasuse bujaama ñna. “Ñie mana ñaama Pablo mesa” masa yuare ñna yigotiboajaquẽne, Dios ye quẽnamasuse ñ jose jediro suorã ñaja yua.

11 Corinto macana, yuare ajiya. Yua tuoĩase cõro mware gotijeoaja yua, mware buto mairã ñari. 12 Quẽnaro gãmerã maire ti manijama, yua suori me bajiroja. Mware buto yua maiboajaquẽne, muajuama, yuare maimenaja. 13 Jacu ñ rĩare maigũ ñ ñagõrore bajiro mware ñagõaja yu. Mware yu mairore bajirone yure maiña mna quẽne.

“Mani usujũ Dios ñ ñajare, Cristore ajitirũnumena rãca baba cutibetiroti ñaja manire”, yire queti

14 Cristore ajitirũnumena rãca baba cutibesa mna. Dios ñ bojase yirã, Dios ñ bojabeti yirã rãca ñna baba cutijama, ¿no bajiro ñna yisere ñavariquẽnaguĩda Dios? Bususere bajiro me bajiaja rãtiase. Busurojũ rãtiabeaja. Rãtiarojua, busubeaja. Tire bajirone bajiroti ñaja Cristore ajitirũnurãre quẽne. Cristore ajitirũnumena rãca baba cutibetiroti ñaja. 15 “Ado bajiro yiroti ñaja” Cristo ñ yijama, ñre ajicõari, ¿“Mu gotirore bajirone tuoĩaja yu quẽne”, yicudiguida Satanás? Sigũre bajiro tuoĩarã me ñaama. To bajiro bajiaja mani Cristore ajitirũnurã quẽne. ñre ajimena ñna tuoĩarore bajiro tuoĩabeaja mani. 16 Dios yarã ñaja mani, ñre ajitirũnurã. To bajirone gotiaja Dios ocare masa ñna ucamasire. Ado bajiro gotiaja ti:

“Yu yarã usujũ ñarũgũrũcũja yu. No bojarõ ñna ñarõjũ ñna rãca ñarũgũrũcũja. ñna rãcũbuogũ ñarũcũja yu. To bajicõari, yu yarã ñaruarãma ñna”, yigotiaja Dios ocare masa ñna ucamasire.

To bajiri, Dios yarã ñaboarine, ¿ñna masu ñna quẽnorujeoria-rãre rãcũbuogũ rãca baba cutirãda mani?

17 ñna rãca baba cutibetiroti ti ñajare, gajeye Dios ocare masa ñna ucamasiriarore bajiro yiroti ñaja mware. Ado bajiro gotiaja ti, mani ujũ ñ gotimasire:

“Yure ajimenare cãmotadiya mna. ‘Dios ñ bojabeti yirobe’ yirã, ñnare baba cutibesa. To bajiro mna yijama, yu yarã ñaruarãja mna”, yigotiami mani ujũ.

18 “M̄ua jasc̄u ñar̄uc̄ija yu. To bajic̄oari, yu r̄ia ñar̄uar̄aja m̄ua”, yigotiaja Dios ocare masa ñna ucamasire, masijeogu mani ɛju ĩ ñaḡore.

7 **1** Dios ĩ gotimasire to bajiro manire ti gotijare, ĩ bojarore bajiro jediro rojose mani yise yitujac̄oari, ĩre r̄uc̄ub̄uor̄ã ñari, ĩ bojase r̄ine yito mani, “Rojose mana ñato” yir̄ã.

Corinto macana, rojose yitujac̄oari, quēnasejuare ñna yire

2 Quēna ado bajise m̄uare gotiaja yua: Yuare maiña m̄ua. Ñimuj̄uare rojose yibeticaju yua. Ñimuj̄uare rojose yirobeticaju. Ñimuj̄uare yitobeticaju yua, “Yu masurio quēnase bujar̄ãsa” yir̄ã. **3** Tire m̄uare yua gotijama, “Pablo mesare ñaḡomacar̄ã, rojose yiyuja mani” m̄ua yiotire yir̄ã me yaja. “Ñie rojose yibeticama Pablo mesa” m̄ua yiotij̄uare yir̄ã yaja yua. J̄eju yua gotirote bajirone m̄uare tudigotiaja yua: B̄uto m̄uare maiaja yua. M̄ua bajireacoajaquēne, m̄ua catic̄oajaquēne, m̄uare maituj̄abetir̄uar̄aja yua. **4** “Quēnaro yir̄ã ñaama Corinto macana; yua gotirote bajirone c̄udir̄uar̄ãma” m̄uare yit̄uoĩac̄oari, rojose t̄am̄uor̄ã ñaboarine, b̄uto variquēnaja yua.

5 “Macedonia sitaju ejac̄oari, rojose t̄am̄uomenaja mani”, yit̄uoĩaboacaju yua. Adoju quēne b̄uto rojose t̄am̄uocaju. Yuare ĩatec̄oari, tudir̄uḡucama. To bajiri, “¿Jesúre ajitir̄un̄r̄ã, ĩre ajitir̄un̄u t̄jar̄ãti?”, yit̄uoĩarejaicaju yua. **6** Dios ñaami t̄uoĩa sutiritir̄ãre, “T̄uoĩa variquēnato” yigu. To bajiri, t̄uoĩa sutiritir̄ã ñaboarine, Dios ĩ ejar̄emose r̄ãca t̄uoĩavariquēnamu yua. Tito ĩ ejase s̄uorine, “T̄uoĩa variquēnato”, yuare yiyumi Dios. **7** Tito ejasere variquēnac̄oari, gajeyere quēne variquēnamu. M̄ua bajisere ĩ ĩavariquēnare quetire ajic̄oari, variquēnaja yua quēne. Ado bajiro m̄ua bajisere yuare gotimi: “B̄uto m̄ure ĩar̄uaama Corinto macana. ‘Rojose mani yicati s̄uorine b̄uto sutiritiyuju Pablo’ yire quetire ajic̄oari, b̄uto sutiritima. M̄ure r̄uc̄ub̄uoc̄oari, m̄u ucacatore bajirone yima”, yuare yigotiejami Tito. To bajiro ĩ yisere ajic̄oari, b̄utob̄usa variquēnaja yu.

8 Tir̄um̄uju papera m̄uare yu ucac̄oaro bero, “Tire ĩac̄oari, sutiritir̄uar̄ãma ñna. To bajiri c̄oabetiroti ñaboayuja”, yit̄uoĩa sutiriticaju yu maji. To bajiboarine, sutiritibeaja yuc̄urema, “Yoaro me sutiritir̄iar̄ãma” m̄uare yimasiḡu ñari. **9** “Sutiritiato ñna’ yigu yiyuja yu” yigu me, variquēnaja yu. “Sutiritic̄oari,

rojose ñna yicati yitujacõari, quẽnase tũoĩañuma” yigũ, vari-quẽnaja yũ. To bajiro mũa bajisere bojayumi Dios. To bajiri tirũmũjũ mũare yũ papera cõacati, mũare quẽnañuja ti. **10** Rojose yigure, “Rojose tãmũoato” yigũ ñnaami Dios. To bajiro ñ yijama, “Rojose ñ yisere yitujacõari, yũjũare ajitirũ-nũato” yigũ, yiyumi. To bajiro ñ bajijama, rojose ñ tãmũoboro-tire ñre yirẽtobosarũcũmi Dios. Diore ajiterãjũama, rojose ñna yisere tũoĩa sũtiritibeama ñna. To bajiri, rojose tãmũotujabeti-riarojũ varũarãma ñnama. **11** Mũa rãca yũ ñnaro, “Rojose mani yijama, mani yibetijaquẽne, no yibeaja”, yitũoĩaboacajũ mũa maji. “Mani yisere ñavariquẽnabeami Dios”, yijũnisiniriarãja mũa. Dios mũare ñ ñavariquẽnabetire tũoĩa gũiriarãja mũa. “Manire oca ñaja. Tire oca quẽnoroti ñaja”, yiyuja mũa. Dios ñ ñavariquẽnasere bojarã ñnari, yũ ucacõacatore bajiro yivari-quẽnañuja mũa. Rojose yirĩre rojose ñ yire vaja, rojose ñre yiyuja mũa. To bajiri, “Quẽnaro yiyuma ñna. Ñie rojose maja ñnare”, mũare yitũoĩaja yũ yuja. **12** Tirũmũjũ mũare papera cõagũ, mũa rãcagũ rojose yirĩ, to yicõari rojose yiecorĩre quẽ-ne bũto tũoĩabeticajũ yũ. Mũajũare quẽnaro tũoĩagũ ñnari, mũare ucacõacajũ yũ. “‘Pablore rũcũbũorã ñnari, ñ rotirore bajiro yama ñna’ Dios ñ yĩãmasisere tũoĩamasiato” yigũ, uca-cajũ yũ.

13 To bajiri quẽnaro mũa yirere tũoĩacõari, variquẽnaja yũ. “Quẽnaro ñna yicatire ñacõari, yũ tũoĩarejaiboacatire tũoĩa tũjacõari, variquẽnacajũ yũ”, yigotimi Tito. To bajiro ñ yijare, bũtobũsa mũare variquẽnaja yũ. **14** Mũa tũjũ Titore yũ cõaroto rĩjoro, ado bajiro ñre yicajũ yũ: “Ñnare yũ ucacõa-sere quẽnaro cũdirũarãma Corinto macana”, ñre yicajũ yũ. ñre yũ goticatore bajirone quẽnaro cũdiyuja mũa. To bajiri, tire ajivariquẽnaja yũ. **15** Mũa tũjũ ñ ejaro, bũto rũcũbũose rãca ñre mũa bocaãmirere, to yicõari, ñre quẽnaro mũa cũdire-re tũoĩabũjacõari, bũtobũsa mũare maiami Tito. **16** “Yũ roti-se, josase ti ñaboajaquẽne, quẽnaro cũdirũarãma” mũare yitũoĩacõari, bũto variquẽnaja yũ.

“Maioro bajirãre variquẽnase rãca ejarẽmojama, quẽnaja”, yire

8 **1** Yũa mairã, gajeyere mũare gotigu yaja: Adoana, Mace-donia sitanare, Cristore ajitirũnrãre, Dios, ñnare ñamai-cõari, quẽnaro ñ yise sũorine quẽnaro ñna yicati queti mũare

gotigū yaja. **2** Būto rojose tāmūboarine, variquēnase rāca Diore ajitirūncōa űaama. To bajicōari, jairo gājoa cūomena űaboarine, gājerāre ejarēmorūarā, űna cūose cōro juarēoűuma. **3** űna cūoro cōro űsicama. Bajibeaja. “űsiecorūarāma űna” yiboariaro rētoḅusaro űsiecocama. űacajū yū, to bajiro űna yiro. **4** űnare yū sēnibetiboajaquēne, ado bajiro yūre yicama: “Jerusalén macana Cristore ajitirūnrā maioro bajirāre būto ejarēmorūaja yūa. To bajiri adi gājoa yūare juabosa vacōari, mūa űsijama, būto quēnarūaroja”, yūare yicama. **5** Yūa tūoĭaboacato rētoro quēnaro, ado bajiro yicama: “Mū bojarore bajiro yirūaja yūa”, Diore űre yisēni gajanocōari, “ĭ bojarore bajiro mūare cūdirūarāja”, yūare yicama. **6** To bajiri, “Adoana Macedonia sitana űna juarēoriarore bajiro, mūa, Corinto macana quēne mūa yijama, quēnarūaroja” yitūoĭacōari, mūare gājoa juarēorotisūorĭre Titore tudivarotiaja yūa. “Tojū vacōari, gājoa űna juarēorere juarēojeoba mū”, űre yaja yūa. **7** Gājerā Cristore ajitirūnrā rētoḅusaro űre ajitirūnrā űaja mūa. To bajiri ĭ ocare quēnarobūsa gotimasiaja. To bajicōari, űna rētoḅusaro yūare mairā űari, űna rētoḅusaro Dios ĭ bojarore bajiro yūare ejarēmo variquēnarā űaja. To bajiri, maioro bajirāre quēne tūoĭamaiōari, gājerā űna cōase rētoro gājoa mūa cōajama, quēnarūaroja.

8 To bajiro mūare yū yijama, rotigū me yaja yū. “Tire ajicōari, maioro bajirāre gājerā űna ejarēmo variquēnase rētoro űnare ejarēmo variquēnato mani” mūa yirotire bojagū, adi sitana quēnaro űna yicatire mūare gotibū yū. To bajiro mūa yijama, “Socarā mene maioro bajirāre mairā űaja yūa” yirā, yirāja mūa. **9** Mani űjū, Jesucristo, ado bajiro quēnaro manire ĭ yire űajare, “Quēnaro űnare ejarēmoto mani”, yitūoĭaroti űaja mūare: Manire űamaicōari, ĭ rijabosarere masiaja mūa. Diorāca jediro cūogū űaboarine, manire űamaigū űari, adigodojūre vadicōari, maioro bajigū űacoasuju ĭ. To bajiro bajiyuju, Diorāca quēnaro űacōari, űiejūa manire rūyabetirotire yigū.

10 Mūare rotibetiboarine, quēnaro mūa űarotire bojagū űari, yū tūoĭasere ado bajiro mūare gotigū yaja yū: Rĭjoroaga cūmare quēne, variquēnase rāca űnare ejarēmorūa tūoĭasūoyuja mūa. To yicōari, gājoa juarēosūoyuja mūa. **11** To bajiri, “Maioro bajirāre mani ejarēmorūa tūoĭavariquēnasūocatore

bajirone juarēojeocōato mani”, yivariquēnaña. Ìna ïsiro cōrone juarēocōari, cōaña. **12** “Jairo mani ïsibetijama, ïavariquēnabecami Dios”, yituoĩabesa. Jairo c̄orã, mojoroaca c̄orã quēne, mani ïsimasiro cōro mani ïsivariquēnajama, manire ïavariquēnag̃mi Dios.

13 “Maioro bajirãre ejarēmoña” ȳu yijama, “Cōajeocōaña” yig̃u me yaja ȳu. “Maioro bajirãre g̃ãjoa cōajeocōari, maioro bajiya m̄ua” yig̃u me yaja. **14** “Cristore ajitir̃n̄urã, nij̄uane maioro bajirã manicōato” yig̃u yaja. Adir̃m̄urirema m̄ua ñaja jairo c̄orã. To bajiri, “Maioro bajirã ñaama ïna” yire quetire ajicōari, g̃ãjoa ïnare m̄ua cōajama, quēnar̄aroja. To bajiri, ïna quēne, maioro m̄ua bajise quetire ajicōari, m̄uare ejarēmor̄arãma. To bajiri ñiej̄ua r̄uyabetoja ïnare, m̄uare quēne. To bajiro mani yijama, cojoro cōro c̄orã ñar̄arãja mani jediro. **15** To bajiro mani yijama, Dios ocare masa ïna ucamasire ti gotirote bajiro c̄udirã yir̄arãja mani. “To bajirone bajir̄aroja”, yiucamasin̄umi Moisés, israelita masa ïna juarēoro bero, cojoro cōro cōĩacōari, ïna ïsibatomasire ñajare. Ado bajiro gotiaja: “Jairo juarēoriarã ñaboarine, ïna bojaro r̄etro bujabeticama ïna. G̃ãjerãma, mojoroaca juarēoriarã ñaboarine, ïna bojaro cōro bujacama”, yigotiaja Dios ocare Moisés ï ucamasire.

“M̄ua t̄uj̄u Tito mesare cōag̃u yaja”, Pablo ï yire queti

16 M̄uare tuoĩamaicōari, b̄uto ȳu ejarēmor̄aro cōro m̄uare ejarēmor̄uami Tito quēne. “To bajiro tuoĩato ï” yig̃u, yiyumi Dios. To bajiro ï yijare, “Quēnaro yaja m̄u”, Diore ïre yaja ȳu. **17** “Corinto macanare quēna m̄u ejarēmog̃u vajama, quēnar̄aroja” ȳua yisēniĩasere ajicōari, b̄uto variquēnami Tito. M̄uare b̄uto ejarēmor̄uag̃u ñari, “Ȳure m̄ua sēniĩaroto r̄ijoroj̄une, ȳu masu ȳu tuoĩase r̄ãca, ‘Ȳuc̄ne var̄uc̄ja’ yituoĩam̄u ȳu”, ȳuare yimi.

18 Tito r̄ãca varoc̄ure, ȳua maig̃ure cōaja ȳua. ï ñaami, manire bajirone Cristore ajitir̃n̄ug̃ũ. ïre ajitir̃n̄urã jediro, “Cristo oca quēnasere quēnaro gotir̄etobumasig̃ũ”, ïna yir̄uc̄b̄uog̃u ñaami. **19** Cristo ocare quēnaro gotir̄etobug̃u r̄ĩ me ñaami. Adoana, Macedonia sitana, Cristore ajitir̃n̄ucōari r̄ejar̄ũg̃ũrã, “G̃ãjoa manire juabosarãre ejarēmor̄uc̄mi” yir̄ã, ïna besecac̄u quēne ñaami. Ti g̃ãjoa, maioro bajirãre ȳua ïsiro-

ti suorine, “Maioro bajirāre quēnaro ejarēmo variquēnarā ñaama, Cristore ajitirūnrā”, yituoīaruarāma masa. To yicōari, mani tju Jesucristore rucubuoarāma. **20** “Pablo mesa ña masune ña yireajare, gājoa ejabetoja” ña yigōjarotire bojamena ñari, yuare baba cutirocure ĩre bojacaju yua quēne. **21** “Quēnaro yama” Dios ĩ yīavariquēnase rī mere bojaja yua. Masa quēne, to bajise ña yīavariquēnasere bojaja.

22 To bajiri, gājire cōaja yua, Tito mesa rāca. Cristore ajitirūnugū ñari, mani yu ñaami ĩ quēne. ĩre ĩamasirā ñari, “Quēnaro yigu ñaami”, ĩre yimasiaja yua. Cojoji ruyabeto quēnaro ejarēmo variquēnarūgūami. To bajicōari, “Corinto macana quēnaro cūdiama ña” Tito ĩ yisere ajicōari, butobusa mware ejarēmorūami. **23** To bajiri Tito, to yicōari, ĩ babarā juarā ñaama, mwa tju yua cōarā. Jēre Titore ĩre masirāja mwa. ĩ ñaami yu baba, “Cristore quēnaro ajitirūnūato” mware yigu, yu rāca moarūgūgū. Gājerā juarā, Titore baba cuti vana, Jesucristore ajitirūnrā ñari, mani yarā ñaama ña quēne. “Quēnaro yirā ñaama” adi macariana ña yīarā, mwa tju ña cōarā ñaama. Quēnaro ña yise suorine Cristore quēnabusaro rucubuoama masa, adi macariana. **24** Mwa tju ña ejaro, quēnaro ĩnare yiba. “Cristore ajitirūnrāre ĩamairā ñaama Corinto macana” yaja yua, adi macarianare Tito mesare cōarāre. To bajiri ĩnare quēnaro mwa yijama, “Riojo yama Pablo mesa”, yiruarāma ña.

Cristore ajitirūnrāre maioro bajirāre ejarēmore queti

9 **1-2** “Cristore ajitirūnrāre maioro bajirāre ejarēmōrā, gājoa juarēocōari mani cōajama, quēnaruroja”, yituoīarā ñaja mwa. To bajiri, mwa cōarua tuoīase quetire masigū ñari, “To bajiro mwa yijama, quēnaruroja”, mware yiucabetiroti ñaboaja. Adoana, Macedonia sitanare, ado bajiro ĩnare goticaju yu: “Acaya sitana, Corinto macana, mani mairā, jēre ĩ cūma ‘To bajiro yiroti ñaja’ yisuojuarā”, ĩnare yicaju yu, mware. Tire ajicōari, “Mani quēne to bajirone yiroti ñaja” yituoīacōari, jājarā gājoa ĩsicama. **3** To bajiro yisuoīarā mwa ñaboajaquēne, yu varoto rījoro Tito mesare cōaja yu. “Gājoa juarēocōari, yure yuato” yigu, ĩnare cōaja yu. Adoanare gotirā, “Yu ejaroto rījoro gājoa juarēocōari, yuruarāma”, yaja yua, mware. To bajiri mwa tju yu ejaro, “Gājoa juarēojeobeaja maji”

mua yisere ajiruabeaja yu. Adoanare inare yu gotirore bajiro mua bajirotire bojaja. **4** Adoana Macedonia sitana siguri yure ina baba cuti vajama, gajoa manone muare ina iartotire boja-beaja. “Corinto macanare quenaro masiaja. Yu ejaroto rjorojone, gajoa juareojeocdararama ina”, yaja yu, adoanare gotira. To bajiri, mua cuo yubetijama, bojoneruara ja yu. Mua quene, bojoneruara ja. **5** Mani bojonerotire bojabecu nari, yu varoto rjoro, Tito mesare mua tujn ina vasere bojaja. “Isiruara ja” mua yigotiriarore bajirone mua isirotire yira, muare ejaremorarama ina. To bajiri yu ejarone, isicdararaja mua. To bajiro mua yijama, “Pablo, ejacari, inare i isirotijare, isiterā naboarine, isinujara”, yire maniruaroja. “Pablo i isirotibetiboajaquene, ina masune maioro bajirare tuoimacari, isivariquenañarā”, yirejua naruaroja.

6 Gajoa isiroana, gotimasiore quetire masiritibeja: “Oterimasu, mojoroaca i otejama, mojoroaca ti ricare bujarucumi. Jairo oteguma, jairo bujarucumi”. ^b **7** To bajiri tocara cu, “Ado cōro isirucuja yu” mua yituoaro cōro mua isijama, quenaruaroja. Gajoa maiboarine, mua isijama, quenabetoja. Mua isiteboajaquene, gaji i isirotijare, mua isijama, quenabetoja. Mua masune isiruara, mua isijama, quenaruaroja. Isivariquenarare imaiami Dios. **8** To bajiro mua yisere iacari, quenaro muare yirucumi Dios. Mua bojaro retobusaro cōarēmorucumi. To bajiro manire yami, “Gajerare ejarēmora, najediro quenaro ina yiro bero, niejua ruyabeticōato” yigu. **9** “To bajiro quenaro mani yisere bojaami Dios”, yimasiaja mani, Dios ocare masa ina ucamasire quenaro yigure ado bajiro ti gotijare:

“Maioro bajirare jairo isirugumi. To bajiro quenaro i yirugusere masiritibeticōari, quenaro ire yirucumi Dios”, yigotiaja Dios ocare masa ina ucamasire.

10 Dios naami “Ote aje cuoato” yigu, manire cōagū. Ti ote aje suorine bare ri mere bujaja mani. Quena gajeye ote aje mani oterotire quene bujaja mani. Tire bajiro bajaia Dios quenaro manire i yise. “Ado bajiro bajiato” yigu, quenaro manire

^b **9.6** Ado bajiro manire gotimasioro yaja ti queti: Gajerare ejarēmora, isiterā nari, mojoroaca mani isijama, Dios ye quenamasuse, mojoroaca manire ujurucumi. Isivariquenarā nari jairo mani isijama, jairo quenamasuse manire ujurucumi.

yami: Quēnaro manire ĩ yise suorine, cojoi me quēnaro yaja mani. Quēna gajerāmurema gājerāre quēnaro yimasijaja mani. Gājerā quēne, quēnaro mani yirā, gājerāre quēnaro yimasijama ĩna quēne. “To bajiro bajiato” yigũ, quēnaro manire yami Dios. **11** Jairo muare ĩsirũgũrcumi Dios, “Maioro bajirāre ejarēmoato” yigũ. To bajiro mũa yijama, “Quēnaro yaja mũ”, Diore ĩre yiruarāma jājarā masa. To bajirone yiruarāma Jerusalén macana Cristore ajitirũnrā quēne. Gājoa mũa juarēorere yũ juaejasere ĩacōari, “Quēnaro yaja mũ”, Diore ĩre yiruarāma ĩna. **12** To bajiri, gājerā Cristore ajitirũnrā, maioro bajirāre gājoa mũa cōaroti, ĩna rĩ mere quēnaruroja. Tire ĩacōari, “Quēnaro yaja mũ” ĩre ĩna yiroti ti ñajare, Diore quēne quēnaruroja. **13** Gājoa ĩnare mũa cōasere ĩacōari, “Cristore ajitirũnrā masu ñarāma Corinto macana. Manire ejarēmocōari, gājerāre quēne ejarēmoama” muare yituoĩacōari, variquēnase rāca Diore rũcũbũoruarāma ĩna. **14** “Manire ĩna ejarēmose Dios suorine bajijaja” muare yituoĩamaicōari, Diore bũto muare sēnibosaruarāma ĩna. **15** “Quēnaro yaja mũ”, Diore ĩre yiroti ñaja manire. Quēnamasusere manire yibosayumi Dios. Rojose mani yise vajare “Yirētobosato” yigũ, ĩ macũre cōañumi.

“Dios yũre ĩ rotise rāca gotimasioaja yũ”, Pablo ĩ yire queti

10 **1** Yũ, Pablo, ado bajise gotigu yaja, sīgũri yũre ñagōmacarāre: Quēnabeti masa ĩna yiboajaquēne, ĩnare ĩamaicōari, quēnaro ejarēmorigũñuju Cristo, “Rojose yitũjacōari, quēnasejua tũoĩato” yigũ, ĩre bajiro muare ejarēmorũaja yũ quēne. “Mani rāca ĩ ñajama, bojonegũre bajiro manire gotiami Pablo. Sōjũ ñacōari, manire ĩ ucacōajama, tudígũre bajiro gotirũgũgũmi”, yiyuja mũa. **2** Rojose yirāre tudígũre bajiro gotigu ñaboarine, mũa tũjũ ejacōari, tudígũre bajiro gotiruarbeaja. To bajiri yũre mũa ñagōmacasere yitũjacōaña, “Mani tũjũ ejacōari, tudígũre bajiro gotiromi” yirā. To bajiro mũa yiboajaquēne, sīgũri, adigodoaye rĩne tũoĩarā, “ĩna masu ĩna bojarore bajiro yirā ñaama Pablo mesa” yũare yĩñagōmacarāre tudígũre bajiro gotiroti ñaja. **3** Adigodoaye rĩne tũoĩarā rāca ñaboarine, yũa masu yũa bojarore bajiro yirā me ñaja yũa. **4** Yũa masise adigodoaye me ñaja. Dios ĩ masise rāca yũa gotijama, yũare ĩna ñagōjaiboajaquēne, ĩnare gotirētobuma-

siaja yua. **5** Cristo ocare ajiterã, “Masirã ñaja yua” yivariquẽ-narãre Diore sãnibosaja yua, “‘Riojo me tũoĩañuja yua’ yato” yirã. No bojasene gãjerã ñna tũoĩase, Cristo ï bojabeti ti ñajama, tire yitũjacõari, “Cristo ï bojarore bajiro rĩne tũoĩato” yirã, Diore sãnija yua. **6** To bajiro mũare sãnibosaja yua. Mũa rãcana yũare bajiro tũoĩamenare rojose ñna yise vaja rojose ñnare yirũgũrũarãja yua, “Mũa jediro Cristo ï bojarore bajiro yũare cũdirũa tũoĩato” yirã.

7 “To bajigu ñaami” yũre yĩamasirã ñaboarine, yũ tũoĩasejũarema masibeaja mũa. Gãji, “Cristore ajitirũnũgũ ñaja” yigũ ï ñajama, Cristo yarã yua ñasere quẽne masirocũ ñaami. **8** “Cristore gotirẽtobosarimasũ ñari, mũare rotimasiaja yũ” yũ yigotijare, “To bajiro ï yijama, ‘Ñamasugũ ñaja yũma’ manire yigũ yami”, yitũoĩaboarãja mũa. To bajiro mũa yiboajaquẽne, Cristo, to bajiro yirocũre yũre ï cõacati ñajare, bojonebecũne tire gotiaja yũ. Mani mũjũ, “Yũ yere ajicõari, sũtiritiato” yigũ me, yũre cõacami. “Tire ajivariquẽnato” yigũjũa, yũre cõacami. **9** “Ï ucacõase rãca yũare tudĩgũre bajiro yũare gotirũgũami Pablo” mũa yitũoĩaboasere bojabeaja yũ. **10** Ado bajise yirã, tire bajiro yũre tũoĩaboarãja mũa sĩgũri: “Sõjũ ñacõari, papera rãca goticõajama, tudĩgũre bajiro manire gotiami Pablo. Mani rãca ï ñajama, bojonegũre bajiro manire gotiami. Ñie vaja maja mani rãca ñagũ, ï ñagõse”, yũre yitũoĩaboarãja mũa. **11** To bajiro yũre mũa yiboajaquẽne, to bajiro bajigu me ñaja yũ. Tudĩgũre bajiro gotiroti ti ñajama, yũ ucacõase rãca yũ gotimasirore bajirone gotimasiaja yũ, masa tũ yũ ñajaquẽne.

12 Mũa rãcana sĩgũri, ñna tũoĩa gotirore bajiro yibeaja yuama. Ado bajiro tũoĩacõari, gotirãma ñna: “¿Ñimũ ñati mani vatoajũ butobusa tũoĩagũ? Yũ ñaja butobusa tũoĩagũ” gãmerã yĩñagõrãma ñna. “Gãjerã rẽtoro masirã ñaja mani”, yitũoĩarãma ñna. Tũoĩamasimena ñarãma ñna ñnama. Ñnare bajiro yibeaja yuama. **13** Yũa masune tũoĩarujeocõari, gotibeaja yuama. “Ado bajiro bajirã ñaja yua” mũare yua gotijama, Dios, yũare ï rotire ñajare, to bajise mũare yaja. To bajiri, “Corinto macanare quẽne yũ ocare gotimasiorũarãja mũa”, yũare yiroticõañumi. **14** To bajiri, Dios, yũare ï rotijare, gãjerã rĩjoro vacõari, Cristo ï rijabosare sũorine quẽnaro Dios ï yisere mũare gotimasioacajũ yua. **15** Gãjerã ñna gotimasioria-

rãre ïacõari, “Yua gotimasiose suorine Cristore quẽnaro ajitirũnrã ñaama”, yibeaja yuama. Yua masu yua moare rĩne mũare gotiaja yua. Quẽnarobusa Cristore mũa ajitirũnurotire bojarã ñari, bũtobusa mũare gotimasiocõari, ejarẽmoruaja yua, Dios yuare ï gotiroticõariarore bajirone yirã. **16** “Cristore quẽnaro ajitirũnrã ñaama” mũare yimasicõari rĩne, Dios ï bojarore bajiro gajeroju ñarãre ï yere masimenare gotimasioruaja. To bajiro yua yijama, gãjerã ñna gotimasiocõariarãrene, “Yu gotimasiocana ñaama ãnoa” yigotiruamena ñari, gotiecomenare gotirã varuaja.

17 Ado bajiro gotiaja Dios ocare masa ñna ucamasire: “Ñamasurã ñna bajisere mũa gotivariquẽnarũajama, Cristo ï bajisejuare gotivariquẽnaña. Ñne ñaami ñamasugũ”, yigotiaja Dios ocare masa ñna ucamasire. **18** Ado bajiro ti bajijare, to bajiro gotiaja Dios ocare masa ñna ucamasire: Gãji ï tũoĩarore bajiro yigu, “Quẽnaro yigu ñaja yu” ï yiboase, vaja maja ti. ï ũgũrema “Quẽnaro yigu ñaami”, ïre yivariquẽnabeami Dios. “Quẽnaro yicaju mũ” ï yirãju ñaama, quẽnaro yirã.

“Socase gotimasiõrã, Dios ï gotiroticõariarã me ñaama”, Pablo ï yire queti

11 **1** Tũoĩamasibecure bajiro yu gotiroti ti ñaboajaquẽne, mũa ajisere bojaja yu. **2** Diore bajiro bũto mũare tũoĩamaiaja yua. Ado bajiro bajiaja: Rõmio, mũmua rãca ñaĩabeco so manaju ñarocu rĩrene tũoĩagõmo. Sore bajiro yirã mani quẽne, Cristo rĩrene ajitirũnuaja mani. Yu ñaja “Cristore ajitirũnũato” yigu, mũare gotimasiosuocacu. To bajiri, Dios mũare ï maiore bajiro bũto mũare maiaja yu quẽne. To bajiri, “Ãnoa ñaama yu gotimasiocati suorine mũre ajitirũnrã” Cristore ïre yu yũoroto rĩjoro, “Ñre ajitirũnu tũjacõari, gãjerãjuare ajitirũnũroma” yigu, quẽnaro mũare ïatirũnrũgũaja yu. **3** Tirũmũju vãtia mũju, Eva ñamasiore quẽnase sore yitomasiũuju. To bajirone bajirãma gãjerã, socase oca gotimasiõrã. Ñna gotimasiose suorine mũare yitoguĩmi. “Vãtia mũju quẽnaro ï yitosere ajitirũnũcõari, Cristo yejuare ajitirũnu tũjarãma”, mũare yitũoĩarejaiaja yu. **4** Gãjerã mũa tũju ejacõari, “Jesucristo, ado bajiro bajigu masu ñagũmi” ñna yisocasere ajicõari, “To bajirone bajigu ñagũmi” ñnare yicũdicõari, ajitirũnu variquẽnarãja mũa. To bajiro mũa yijama, Espĩritu Santo mere ajitirũ-

nurã yirãja mua. To yicõari, Cristo ocare, yua gotimasociati mere, ricati gotimasioerejuaare ajitirũnurã yirãja mua. To bajiro ãna yisejuaare mua ajitirũnũjama, quẽnabetoja. **5** “Dios ã cõariarã gãjerã rëtoro masirã ñaja yua”, muare yisocarãma ãna. Dios ã cõarí, ãnare bajiro socagu me ñaja yu. “Yu rëtoro masirã me ñarãma ãna”, yituoõaja yu. **6** ãna gotimasiorore bajiro yimasibetiboarine, Dios ocare quẽnaro masigũ ñaja yuma. To bajiri, ã ocare quẽnaro muare gotirëtoburũgũcaju yu. Cojiji me yure ajicana ñari, “Dios ocare quẽnaro masiami Pablo”, yure yimasirãja mua.

7 ¿Mua tu ñagũju, “Ñamasurã ñaja yua” yirãre bajiro yirocu ñaboayujari, yure? ¿Cristo ocare quẽnase muare gotimasioigũ, vaja sënirocu ñaboayujari? Bajibeaja. “Ñamasugũ me ñaja” yigure bajiro bajirũgũcaju yu, “Yure tuoãamenane, Dios oca rĩne ajitirũncõari, ã yarã, ñamasurã ñato” yigu. **8** Gajeroana Cristore ajitirũnurã gãjoa yure ãsicama ãna, “Corinto maca tũju ñacõari, ãnare gotimasioato” yirã. Yure mua ãsiroti ñaboacati, ãnajua, yure ãsicama. **9** Mua tũju yu ñajaquẽne, gãjoa magũ ñaboarine, “Yure ejarẽmoña”, muare yibeticaju yu. Macedonia vadiriarã Cristore ajitirũnurã ejacõari, yu bojaro cõro yure ãsicama. Gãjoa muare sënibetirũgũcaju yu. Bero quẽne sënibetirũgũrũcũja. **10** Cristore ajitirũnũgũ ñari, riojo ã gotirore bajiro, ado bajiro muare gotiaja yu: “Gãjoa sënibecũne, Dios ocare gotimasiorũgũaja”, yivariquẽna tũjabetirũcũja yu. Mua, Acaya sitana jediro, “Dios ocare ã gotimasiose vaja, vaja sënibetirũgũami Pablo”, yimasiruarãja mua. **11** Muare bũto maigũ ñari, to bajise muare gotiaja yu. “Ënare bũto maiami Pablo”, yure yimasigũmi Dios quẽne.

12 “Pablöre bajiro Dios ã cõariarã ñaja yua quẽne” yisocarã, muare ãna gotimasiose vaja, vaja sënirũgũñujarã ãna. To bajiri, “‘Pablöre bajiro vaja sënijaia yua’ yimasibeticõato ãna” yigu, muare vaja sënibetirũcũja yu. **13** Socase gotimasiorimasa, Dios ã cõariarã me ñarãma. **14** Ënare bajiro bajirũgũama Dios ocare ajiterã. Vãtia tũju Satanás quẽne, cojojirema Dios tũagu ángel quẽnaro yigure bajiro bajitorũgũami. **15** To bajiro bajigu ã ñajare, “Ëre cudirã quẽne ãre bajiro bajirũgũama”, yimasiaja yu. “Quẽnase rĩne yirã ñaama” ãnare mua yĩasere bojarã ñari, to bajiro bajirãma. To bajiro ãna yisere ãcõari, “Rojose tãmuorũgũrũarãja mua”, ãnare yirotirũcũmi Dios.

“Cristo ĩ cōacacu ñari, bũto rojose tãmuoaja yũ”, Pablo ĩ yire

16 Ado bajise mũare tudigotiaja yũ: “Tũoĩamasibecũre bajiro gotiami Pablo” mũa yitũoĩasere bojabeaja yũ. To bajiboarine, to bajiro mũa yitũoĩajama, tũoĩamasibecũre bajiro mũare yũ gotisere ajiya mũa, yũre mũa ĩarũcũbuorotire yirã. **17** Yũcũne mũare yũ gotiroti mani uju Jesucristo ĩ gotirotise me ñaja. Yũ masune yũ bajisere mũare gotigũagũ yaja yũ. **18** Mũa rãcana, socase gotimasiõrã, jãjarã adigodoaye rĩne tũoĩarãre bajiro gotirãma, ĩnare mũa ajirũcũbuorotire yirã. To bajiri “Yũ quẽne, ĩna gotiõre bajiro gotivariquẽnarũcũja” yitũoĩacõari, mojoroaca mũare gotirũcũja yũ, “Yũre ajirũcũbuoato ĩna” yigũ. **19** Mũajuama, “Masirã ñaja yũa”, yiboarãja, tũoĩamasimena ĩna gotisere ajisũyarã ñari. **20** ĩna rotiajerãre bajiro bajirã ñaboarine, ĩnare ajiquejemenaja mũa. “Ĩna sũorine gãjoa bujarãsa mani” yirã, mũare ĩna yitõsere ajiquejemenaja. “Yũare ĩarũcũbuoya” yirãre bajiro ĩna bajirũgũsere ĩaquejemenaja. “Ajirũcũbuobeaja mũa” yirã, mũare ĩna jaboajaquẽne, ĩnare ajiquejemenaja mũa. **21** Yũjuama, mũa tũju ñagũ, “Ñamasugũ me ñaja yũ” yigure bajiro yũ bajijare, yũre ajirũcũbuomenaja mũa. Mũare ĩna yĩõre bajiro yũ yijama, “Rojose yigũ yaja yũ” yitũoĩacõari, bojonebogũja yũma.

To bajiboarine, “Ado bajiro bajirã yũa ñajare, yũare ajirũcũbuoya” mũare ĩna yise ñajare, yũ quẽne, tũoĩamasibecũre bajiro mũare gotirũcũja yũ. **22** “Hebreo oca ñagõrã ñari, ñamasurã ñaja yũa”, mũare yiyujarã ĩna. Yũ quẽne, Hebreo oca ñagõgũ ñaja yũ. “Yũa, israelita masa, gãjerã rẽtoro Diore masirã ñaja yũa”, yiyujarã ĩna. Yũ quẽne, israelita masũ ñaja yũ. “‘Quẽnaro mũare yirũcũja’ Dios ĩ yimasirĩ, Abraham ñamasirĩ jãnerabatia ñaja yũa”, yiyujarã ĩna. Yũ quẽne, Abraham ñamasirĩ jãnami ñaja yũ. **23** “Cristo ĩ cõariarã ĩre moabosarã ñaja yũa”, mũare yiyujarã ĩna. To bajiro ĩna yire ñajare, “Ĩna rẽtõbũsaro Cristore moabosagũ ñaja”, mũare yaja yũ. Tũoĩamasibecũre bajiro mũare goticõa ñaja yũ. Ado bajiro ti bajijare, “Ĩna rẽtõbũsaro ĩre moabosagũ ñaja”, mũare yaja yũ: Cojõji me bũto ĩre yũ moabosajare, tubiberiaviju yũre tubibecama masa. Cojõji me yũre bũto bajecama. Cojõji me yũre sãrũaboacama. **24** Cojomocãrãcaji yũre ñiacõari, bũto rojose



2 Corintios 11.24

yirāre ĩna bajarore bajiro yŕre bajecama masa. Tocārācaine treinta y nueve ñarijiri yŕre bajecama. **25** Idiaji yŕre ñiacōari, yucāne bŕto yŕre jacama ĩna. Yŕre sĭaruarā, cojosi gŭtane bŕto yŕre reaejoboacama. Idiaji moa riagare yŕ vaboacati cŭmuari rujacajŕ. Cojosi cŭmua rujacōari, ũmŕa ñarŭmŕ cuti, quēna ñamire quēne, ña ñami cŕtibusuocajŕ yŕ, moa riagajŕ. **26** Cojosi me Dios ocare gotimasioĝŭ, sōjŕ josari vacudirŭĝŭcajŕ yŕ. Riaga ĝŭiorojŕ vacajŕ. Juarudirimasa ĝŭiorojŕ vacajŕ. Cojo macana me yŕ yarā rojose yicama. To bajicōari, ĝaje-rā masa vatoajŕ ĝŭiorojŕ vacajŕ. Jairimaca ñagŭ, masa ĩna ñabetojŕ quēne, ĝŭiorojŕ vacajŕ. Moa riaga ĝŭiorojŕ quēne vacajŕ. “Cristore ajitirŭnŕrā ñaja yŕa” yitocōari, rojose yŕre yiruarā vatoajŕ vacajŕ yŕ. **27** Bŕto josari moadicajŕ yŕ. Cojosi me cānibecŕne moabusuoarŭĝŭcajŕ yŕ. Cojosi me bare babe-cŕ, ocure quēne idibecŕ, tāmŕorŭĝŭcajŕ. Cojosi me ñiorjarŭĝŭcajŕ yŕ. To bajicōari, bŕto ŕsarŭĝŭcajŕ, sudi yŕre ti manijare.

28 Yŕ rujŕaye rĭ me rojose tāmŕorŭĝŭajaja yŕ. Tocārācarŭmŕne Cristore ajitirŭnŕrā, cojo macana me yŕ gotimasiocana, quēnarobŕsa ĩre ĩna ajitirŭnŕrŭtuatire bojagŕ ñari, ĩnare bŕto tŕoĭarejairŭĝŭajaja yŕ. **29** Cristore ajitirŭnŕrā ñaboarine, rojo-

se yicōari, sūtiritirāre, yu bujajama, yu quēne, ĩna rāca sūtiritiaja. Cristore ajitirūnrāre gājerā ĩnare rojose ĩna ũmato yijama, ĩnare bũto jūnisiniaja yu. **30** Yu bajicatire yu gotijama, “Masigū me ũaami’ yure yimasiato” yigu, yu bajicatire mũare gotivariquēnaja yu. **31** Tire mũare yu gotivariquēnasere, “Riojo gotiami Pablo”, yure yimasigūmi mani ũju Jesucristo jacu, Dios. ĩ ũaami “ũajediro rētoro masigū ũaja mu” mani yirūcubũorūgūrocu. **32** Tirūmju Damasco vāme cūti macaju yu ũarone, “Pablore ũiacōari, tubiberotirucuja” yigu, ti maca matariacūni ũarisojeriju surara mesare cūñumi, ti maca ũju, Areta vāme cūtigure rotibosacacu. **33** Yure tubiberuaboarine, yure ũiamasibeticami. Ti maca matariacūni vecaju ũariviju, jibu jairibũne sācōari, sojeacaju yure rujiocama ĩna, yure ejarēmormasa. To bajiro yure ĩna ejarēmojare, rudicaju yu.

Dios ĩ ũaroju Pablo ĩ cājiriare queti

12 ¹ “Ado bajiro bajigu ũari, ũamasugū ũaja yu’ ĩnare yu yĩnagōjama, ũie vaja manoja ti” yitũoĩagū ũaboarine, mũa bojarore bajiro gajeye mũare gotirēmorcuja. Yu cājiriarioju mani ũju yure ĩ ĩocatire, to yicōari, yure ĩ gotimasio-catire quēne mũare gotirucuja yu. **2-3** Tirūmju, juaāmo cōro jedi, cojo gũbo babari jēnituario ũaricūmari rĩjoroju, ō vecaju ĩ ũaroju yure āmiejarimi Dios. “To bajiro yure āmimũjarimi”, yimasibeaja yu, bajigũjuma. Yu rujure ĩ āmimũjabetijama, yu ũsũjũare āmimũjarimi. Dios sīgũne masiami tire. **4** “To bajiro yure āmiejarimi” yimasibecu ũaboarine, “Ejacaju”, yimasiaja. Mani ũju ĩ ũaro, quēnarigodo ũacaju. Toju ũagū, masa ĩna masibeticatire ajicaju. ĩ goticati, masare ĩ gotirotise me ũacaju. **5** “Masigū ũaja yu” yigotivariquēnagū yu ũajama, to bajiro Dios yure ĩ yicatire mũare gotiboguja yu. To bajiboarine, “Masibecu ũaja yu” gājerāre yu yiajiose queti rĩne gotivariquēnaja yu. **6** “Yure rūcubũoato” yigu, gajeye quēnaro Dios yure ĩ yicati mũare yu gotirēmoruajama, socu mene yiguja yu. Tũoĩamasibecure bajiro gotigu me yiguja. To bajiboarine, tire ĩabeticaju mũa. To bajiri, “Riojo gotiami Pablo”, yimasimenaja. Yu gotisere, to yicōari yu bajiũasere ĩacōari, yure mũa rūcubũosejũare bojaja. **7** Dios yure ĩ ĩocati bũto quēnase ũacaju. To bajiri, tire yure ĩboarine, ĩre yu ĩocati ũajare, gājerā rētoro ũamasugū yu

ñatuoĩasere bojabecũ ñari, vãti rojose yũre ĩ yisere matabeticiami. To bajiri josari jota judicõari, mani ñarore bajiro bajiaja ti, yũre. **8** Rojose yũ tãmuose, “Yũre tũjato” yigũ, idiaji Diore sãniboacajũ yũ. **9** To bajiro ĩre yũ sãniboajaquẽne, ado bajiro yũre cudicami: “Catiobeaja yũ. Yũ yarã rojose ĩna tãmuojama, butobusa yũre sãnirũgũama, ‘Yũ bojasere yicõa ñarãsa’ yirã. To bajiro ĩna yijama, ‘Rojose tãmuoboarine, ĩnare yũ ejarẽmojare, quẽnaro yama’ yimasiama masa”, yũre yicami Dios. **10** To bajiri, “Cristore ajitirũnũgũ ñari, rojose tãmuoaja” yimasicõari, variquẽnaja yũ. Cojosi me rojose tãmuocajũ yũ. Cojosi me rojose yũre yicoderũgũama masa. Cojosi me yũ bojase ruyarũgũaja yũre. To bajirivãme rojose tãmuogũ ñaboarine, ado bajise tuoĩa variquẽnarũgũaja yũ: “Rojose tãmuoboarine, yũre ĩ ejarẽmoroti ti ñajare, ĩ bojarore bajiro yicõa ñarũcũja”, yituoĩa variquẽnarũgũaja yũ.

Pablo, Corinto macanare ĩ tuoĩarejaire queti

11 Yũ bajisere gotigũ tuoĩamasibecũre bajiro gotibũ yũ. “Quẽnaro yigũ ñaami Pablo” mũa yibetijare, yũ masune to bajiro yibũ yũ. To bajiboarine, “Quẽnaro yigũ ñaami Pablo”, yiroti ñaboayuja mũare. Mũa tũjũ ñarã, Dios ĩ cõariarã ñaja ñamasurã yirã rẽtoro ñamasugũ ñaja yũ. **12** Rojose tãmuoboarine, mũa tũjũ ñagũ, Dios ĩ masise rãca jairo ĩaĩañamani mũare yĩorũgũcajũ yũ, “‘Dios ĩ cõarĩ ñaami Pablo’ yũre yimasiatto” yigũ. **13** “Gajeroana Jesucristore ajitirũnrãrema quẽnabusaro yigũmi Pablo”, ¿yituoĩaboati mũa? Cojoro cõrone mũare yirũgũaja yũ. To bajiro yigũ ñaboarine, gãjerã Jesucristore ajitirũnrãrema, “Yũre ejarẽmoña mũa, ‘Ñamasiatto’ yirã”, ĩnare yicajũ yũ. Mũarema, to bajiro yibeticajũ. To bajiro mũare yibeticõari, ĩnare yũ yirore bajiro mũare quẽne yiroti ñaboayuja ti, yũre. “To bajiro rojose mũare yũ yisere masirioya”, ¿mũare yigũada yũ? Yibecũja. To bajiro yũ yibeticati, “Rojose me ñacajũ”, yimasirãja mũa.

14 Juaji mũa tũjũ ejacajũ yũ. To bajiri yucũ yũ vase rãca idiaji mũare ĩagũ varũcũja. Yũ varoto rĩjoro, quẽnojeocõaja yũ, jẽre. Mũa tũjũ ejacõari, “Yũre ejarẽmoña, yũ ñamasirotire yirã” mũare yũ yibeticatore bajiro yibetirũcũja yũ quẽna. Gãjoa mũa yere bojabaja yũ. Yũre ĩamaicõari, Dios ĩ bojarore

bajiro mña yirotiñare bojaja yñ. Yñ rñare bajiro bajiaja mña. Ìna rña me ñaama ña jacuare ïatirñnrã. Jacuajña ñaama ña rñare ïatirñnrã. To bajiri mña jacure bajiro bajigu ñari, yñre mña ïatirñnsere bojabeaja yñ. To bajiri, “Yñre ejarẽmoña yñ ñamasirotire yirã”, mñare yibetirucja. **15** Mñare bñto maigũ ñari, jediro yñ cñose mñare ïsicõari, yñ yimasiro cõro quẽnaro mñare yirña tuoïavariquẽnaja yñ, “Cristore quẽnabũsaro ajitirñnrũtuajaro” yigu. Bñto mñare yñ maiboajaquẽne, mñajñama, yñre maibetibũsaja.

16 “Yñre ejarẽmoña, yñ ñamasirotire yirã” yibeticami Pablo”, yñre yituoïarãja mña. To bajiboarine, “Quẽnaro tuoïagũ ñari, ‘Gãjoa bñjagũsa’ yigu, manire yitorimi”, ¿yñre yituoïaboati mña sïgũri? **17** “Manire ï queti cõariarã rãca manire yitorimi Pablo”, ¿yituoïaboati mña? Mñare yitobeticajũ yñ. **18** “Ìnare ïama” yigu, tirñmñju mña tñju Titore cõacajũ yñ, gãji Cristore ajitirñnũgũ mani maigũ rãca. “Manire yitorimi Tito”, ¿yituoïaboati mña? Yitobetirimi. “Quẽnaro yigu ñaami”, ïre yimasirãja mña. Yñ tuoïarore bajiro tuoïacõari, mña rãca yñ bajiñacatore bajiro bajiñarimi.

19 “Ìnare mani ïavariquẽnarotire yirã, manire goticõarãma Pablo mesa”, ¿yituoïaboati mña? To bajiro me bajiaja. Ado bajirojña bajiaja: Cristore ajitirñnrã ñari, ï bojarore bajiro mñare goticõarã yaja yña. Quẽnaro yñre ajiya yña mairã. Jediro mñare yña goticõase, “Cristore quẽnabũsaro ajitirñnũato” yirã, mñare goticõarã yaja yña. **20** Mñare yñ ïacudigu vatirũmñ, quẽnaro yñre mña ñayusere bojaja yñ. “Cojojirema quẽnaro ñayubetiborãma”, yituoïarejaiaja yñ. Gãmerã oca josacõari, mña bajiñarore ejarũabeaja. Mña ñarorejũre ado bajiro mña gãmerã yise ñaroja: Gãmerã tudire, “Mani rõtobũsaro quẽnaro ñaama” yïajñnisinire, ña ajibeto ñagõjaire, “Ìna rõtoro ñamasurã ñaja yña” yituoïare, tocãrãcũne ricati rñne tuoïacõari, ña masurione ña bojarore bajiro ña yirũgũse quẽne ñaroja. To bajiro mña gãmerã yïñajama, tuoïarejaiborãja mña, “Manire tudũguagu yigũmi” yirã. **21** Mña tñju yñ vacudiro rojose mña yicõa ñajama, Dios ï ïaro rñjorojña, “Yñ gotimasiosere quẽnaro ajitirñnũama ña’ yimasibecja”, yituoïarejaiaja yñ. “Jãjarã mña rãcana gãmerã ajeriarã cuticõa ñarãre yñ ïabũjjajama, bñto otigu yigũja yñ”, yituoïarejaiaja. “Tuoïarejaibeticõato” yirã, rojose mña yisere yitũjaja mña.

Pablo ĩ gotitusare queti

13 1 Juaji mña tujũ ejacaju yũ. To bajiri yucũ yũ vase rãca idiaji mñare ñagũ ejarũcũja yũ. To bajiri, rojose mña yirere yitũjacõari, quẽnasejuare tuoĩaña mña, yũre yurã. Ado bajise Dios ocare masa ñna ucamasire gotiaja: “Rojose yirĩre ñna oca sãjama, juarã, idiarã ñacõari ñna oca sãjama, quẽnarũaroja. To bajiri ñna idiarãjuane, to bajirone ñna ñagõjama, ñnare ajirã quẽne, ‘Socarã me yama’ yimasirãma”, yigotiaja Dios ocare masa ñna ucamasire. 2 Tirũmujũ mña tujũ ñagũ, rojose yiriarãre, yibetiriarãre quẽne ado bajise yicaju yũ: “Rojose mña yise mña yitũjabetijama, quẽna mña tujũ ejaçu, rojose mña yicõa ñarũgũse vaja rojose mñare yirũcũja yũ. Adirũmũriema mñare rojose yũ yibetiboajaquẽne, yũ yirotire masiña”, mñare yicaju yũ. Mña tujũ ñabecu quẽne, to bajirone mñare goticõa ñaja yũ. “To bajiro gotigũ ñaboarine, yibecu-mi”, yũre yituoĩabesa. 3 “‘Cristo ĩ bojasere gotiaja mñ’ yũa yimasirotire yigu, ñaĩañamani yũare yĩõma” yũre mña yicõare ñajare, to bajirone yirũcũja yũ. “Cristo, manire rojose ĩ yijama, no yibeaja. Masibecu ñagũmi”, ĩre yituoĩabesa mña. Yũ suorine ĩ masisere mñare yĩõrucũmi. 4 Masijeogu ñaboarine, manire bajiro rujũ cõtıcõari, yucũtẽroju ĩ jaju ecoriaro bero, masibecũre bajiro bajirocacoasumi Cristo. To bajiboarine, Dios ĩ masise rãca tudicaticõari, ñagũmi quẽna. Cristore bajiro rojose tãmurũgũaja yũa quẽne. To bajiro bajirã ñaboarine, ĩre ajitirũnũ tujamena ñari, ĩre bajirone bajicõa ñarũarãja. Dios ĩ ejarẽmose rãca mñare ejarẽmocõa ñarũarãja.

5 Mña masune, “¿Cristore ajitirũnũrã masu ñati yũa?”, yituoĩaña mña. Cristore ajitirũnũrã mña ñajama, mña rãca ĩ ñasere masiaja mña. ĩ ñabetijama, ĩre ajitirũnũrã masu me ñaja mña. To bajiro mña bajijama, mña masune, “Cristore ajitirũnũrã ñaja yũa”, yisocarãja mña. 6 Yũajuare, “Cristo ĩ cõariarã masu ñaama” yũare mña yimasirotire bojaja yũ. Cristore ajitirũnũrã mña ñajama, to bajiro yirãja mña. 7 “Rojose mña yirũgũrere yitũjato” yirã, Diore mñare sãnibosaja yũa. “Dios ocare quẽnaro gotimasioñumi Pablo” mña yivariquẽnarotire yigu me, Diore mñare sãnibosaja yũa. Quẽnasejuare mña yiro-tire bojarã ñari, yaja. “Gãjerã socase gotimasiorã yama” yũre mña yiboajaquẽne, quẽnase mña yiroti ñaja ñamasusema.

8 “Ñamasusere ajitirũnũato” yirã, Dios ocare gotimasiórũgũaja yũa. Ñamasusere mũa ajitirũnũ tũjasere bojabeaja. **9** To bajiri mũa tũju ejacõari, “Quẽnaro Cristore ajitirũnũama ñna” mũare yũa yĩamasijama, tudírãre bajiro mũare yibetirũarãja yũa. To bajiro mũa bajisere ñacõari, variquẽnarũarãja yũa, “Quẽnaro gotimasiomasibeama Pablo mesa” mũa yise ti ñaboajaquẽne. “Cristore ajitirũnũcõari, ñ bojarore bajiro rĩne yirã ñato ñna” yirã, Diore mũare sãnibosaja yũa. **10** Mũa tũju ejacõari, tudĩgũre bajiro mũare gotirũabecu ñari, yũ varoto rĩjoro papera ucacõari, mũare cõaja yũ. Mani ñju, “Yũ yere ajicõari, sũtiritiato” yigũ me, yũre cõacami. “Tire ajivariquẽnato” yigũja, yũre cõacami.

11 Yũ mairã, to cõrone mũare yũ gotimasiosere ucaja yũ. Tire ajitirũnũña. Cristo ñ bojarore bajiro rĩne yirũgũña mũa. Sĩgũre bajiro tũoĩacõari, quẽnaro ñña mũa. To bajiro mũa bajijama, mũa rãca ñacõa ñarũgũrũcũmi Dios. Ñ ñaami ñ masisere ñjogũ, “Gãmerã maicõari, quẽnaro ñato” yigũ. **12** Cristore ajitirũnũrã ñari, mũa rẽjajama, quẽnaro variquẽnase rãca gãmerã sãnima. **13** Adoana Cristore ajitirũnũrã, “Quẽnato”, mũare yicõaama ñna.

14 Mani ñju, Jesucristo, quẽnasere mũare cõarũgũato. Mũare ñamaiato Dios. To yicõari, Espĩritu Santo, mũa jediro rãca ñacõa ñarũgũato.

To cõro ñaja.